


ՀԱՅ ԱՎԱՆՈՒՄ

ՊԱՇՏՕՆԱԹԵՐԹ Է. Մ. Ը. Մ. Ի ՍԿԱՈՒՏՆԵՐՈՒ ԸՆԳԷԱՆՈՒՐ ՄԻՈՒԹԵԱՆ
Հիմնեալ 1918-ին

REVUE MENSUELLE **HAISCOUT** PRIX 2 FRANCS
ORGANE DE L'UNION GÉNÉRALE ARMÉNIENNE DE SCOUTISME

Փ. Տարի Թիւ 10 1 Փետրվար 1934 1 Décembre 4^{me} Année N° 10



Փորձառու եւ տարէց անձեր կ'ըսեն.

— Դառն կեանքը քաղցրացնելու համար պէտք է միշտ երգել եւ կայտանել :

“ՀԱՅ ՍԿԱՈՒՏ” ՊԱՏԿԵՐԱԶԱՐԴ ԱՄՍԱԹԵՐԹ

ՏԱՐԵԿԱՆ ԲԱԺԱՆՈՐԴԱԳՐՈՒԹԻՒՆ ԿԱՆԵՆԻԿ

Ֆրանսա, Սուրիա եւ Պալեստինա	20 Ֆրանկ
Միւս բոլոր երկիրները	30 Ֆրանկ
Բոլոր սկաուտներու բաժանորդագրութիւնը ՊԱՐՏԱԻՈՐԻԶ . . .	15 Ֆրանկ
Հատը՝ 2 Ֆրանկ	

Պարզ նամակ, յօդուած, նկար, թերթ, գիրք եւն., զրկել ճիշդ հետեւեալ հասցեով. —

RÉDACTION ET ADMINISTRATION DE LA REVUE « HAI-SCOUTS »
55, Rue de Meaux PARIS (19e)

Գրամ, ապահովագրեալ նամակ, չէք, մանապրօսա, զրկել հետեւեալ հասցեով. —

JIRAIR MINTANDJIAN 55, Rue de Meaux PARIS (19e)

ՌԻՍԱՆՈՂԱԿԱՆ ՖՕՆՏ

Ինչպէս անցեալ թիւով ծանուցինք, Եղբ. Օ. Եազմաճեան, ներկայիս Կուսանի Ի Շուէա, Սթոքհոլմի Արքայական մարմնակրթանքի հաստատու-թեան մէջ:

Սկաուտական վերին Մարմնոյ մասնաւոր արտօնութեամբ, Հայ Սկաուտ կը բանայ սուսնողական Փօնտ մը, զոր պիտի յատկացուի Եղբ. Օննիկի ուսումնական շրջանին պահանջած ծախքերուն:

Լիայոյս եւք որ՝ մեր բոլոր շրջանները լրջօրէն նկատի առնելով մեր պան-դուխտ եղբօր սոյն բացառիկ եւ անակնկալ պարագան, կը փութան եղբայր-կան օգնութեան:

Նուէրներ զրկել « Հայ Սկաուտ »:

« Հայ Սկաուտ » մասնաւոր ցանկով մը պիտի հրատարակէ նուիրատուներուն եւ Շրջաններուն անունները:


ՆԱՄԱԿԱՏՈՒՓ

- 1.— Հ. Մ. Ը. Մ. Ի ԵԳԻՊՏ. ՇՐՋ. ՎԱՐՉ. (Ադեքսանդրիա). — Յունաս-տանէն կը ստանաք 1 — 7 թիւ « Հայ Սկաուտ »:
- 2.— ՇՐՋ. ՎԱՐՉՈՒԹԻՒՆ (Թաւրիզ). — Թերթերը ժամանակին զրկուած են. 1 դեկտ. թիւը չուտով կը զրկուի:
- 3.— Պ. ԳԱՐԵԳԻՆ ԹԻԻՖԷՆԿՃԵԱՆ (Սան Բաօլօ, Պրագիլիա). — 115 օրի-նակ « Հայ Սկաուտ » զրկուած է: Չեր պատասխանին կը սպասենք:
- 4.— ՊՈՒԼԿԱՐԻՈՅ ՇՐՋԱՆ. — Յասաջիկայ թիւով պիտի տանք ձեր տա-րեկան բանակումէն լուրեր:
- 5.— ԿԱՐԳ ՄԸ ՇՐՋԱՆՆԵՐ. — Մինչեւ 6-րդ թիւ « Հայ Սկաուտ » զրկած ենք ու պատասխան կը սպասենք ձեզմէ:

ՀԱՅ ՍԿԱՈՒՏ՝ ՄԻՇՏ ՊԱՏՐԱՍՏ ԽՈՍՏՈՒՄԻԴ ԵՒ ԴԱՒԱՆԱՆՔԻԴ: ԵՂԻՐ ՊԱՐՏԱՃԱՆԱԶ ՈՒ ՃՇԴԱՊԱՀ:

Տ Ա Յ ԱԿԱՆՈՒՄ

ԲԱՐՑՐԱՑԻՐ



ԲԱՐՁՐԱՑՈՒՐ

ՊԱՇՏՏՈՆԱԹԵՐԹ Զ . Մ . Ը . Մ . Ի ՍԿԱՌԻՏՆԵՐՈՒ ԸՆԴՀԱՆՈՒՐ ՄԻՈՒԹԵԱՆ

Գ. Տարի Թիւ 10 1 Դեկտեմբեր 1934 1 Décembre 4^{me} Année N^o 40

Կ Ո Չ

ՔԱՂՈՒԹԱՀԱՅ ԾՆՈՂՔՆԵՐՈՒՆ

Տիեզերական խռովքի մը պահուն երբ հայութիւնը, հայաժական եւ ցիր ու ցան, ենթարկուած է ճգնաժամային պայմաններու խոր ազդեցութեան, աւելի քան երբեք պէտք ունինք գիտակցութիւնն ունենալու հանդէպ մեր խորհուրդներուն եւ մեր թափած ճիգերուն:

Անյազ փառաքներ եւ երկիւղած պաշտամունքներ արժէք չեն ներկայացներ երբ կը պակսի բարոյական արժէքներու հետ միասին ցեղին կորովը:

Որովհետեւ, ժողովուրդներ թէեւ կ'ենթարկուին պահ մը ճակատադրային պայմաններուն, սակայն նկարագրի աչքը զօրաւոր ժողովուրդներն են միայն որ կը տիրեն վերջի վերջոյ այդ պատահական ընթացքներուն:

Ժամն է այլ եւս երբ մենք պէտք ունինք կատարեալ միութեան, միասնական գործունէութեան: Երբ՝ պէտք է դադրին այլ եւս բոլոր անտարբեր յօրանջումները եւ վերնան հանդիսատեսի դիրքերը:

Որովհետեւ, նուիրական մէկ պահուն երբ հայ ցեղի բարոյական ու իմացական կազմութեանը համար գերազոյն ճիգ մը յառաջ կը տարուի դժուարին պայմաններու ներքեւ, վատութիւն է կծկուիլ պատեաններու մէջ եւ հեռուէն ընել գնահատանք կամ քննադատութիւն:

Դո՛ւք, հայ մայրեր ու հայրեր, եթէ իսկապէս կը մտահոգուիք ճակատագրովն սա նորահաս սերունդին, որոնք վաղուայ քաղաքացիներն են:

Գիտութիւնը ըմպելի մըն է, որմէ մարդ ո'րքան ըմպէ, այնքան կ'աւելնայ պապակը (Հայր Ալիշան):

Եթէ դեռ ունիք կորով, ձեր ամբողջ ըմբռնումները, անցեալը ու ներկան, վերաքննութեան ու վերազնահատութեան ենթարկելու, որպէս զի ապագան զնէք աւելի ամուր եւ աւելի հիմնական զիծերու վրայ :

Եթէ դեռ կը փափաքիք որ ձեր գաւակները ստանան մարմնական առողջութեան հետ նաեւ հաստատ նկարագիր մը, զեղեցկացած միտք մը, եւ հայրենասիրութեան վսեմ գրացումը :

Եթէ դեռ կը հաւատաք այդայլին վերածնունդին, եւ կ'ըմբռնէք թէ անոր գոյութիւնը կարելի է միմիայն երբ ան կը հիմնուի կամքի, հաւատքի եւ պարտականութեան զխտակից անձնուէր քաղաքացիներու գործունէութեանը վրայ :

Ուրեմն, աճապարեցէ՛ք որ ձեր գաւակները կարենան օգտուիլ ներկայացուած առիթէն, եւ զխտակցելով այն բոլոր սկզբունքներուն որոնք հիմը կը կազմեն « սկառուտական մանկավարժութեան », ջանացէ՛ք որ անոնք կ'իրարկեն այդ տարրական օրէնքները այժմէն սկսեալ իրենց բովանդակ գոյութեան :

Մեր նպատակն է ցոյց տալ հայ պատանի սերունդին, մեր բարքերու այս անկման շրջանին, որ բնական հետեւանքն է դարաշրջաններու խոր ազդեցութեան, այն ծանր եւ նուրբ պատասխանատուութիւնները որոնք կը պատկանին մարդուն եւ քաղաքացիին : Յոյց տալ անոր իսկական հայ անհատի մը ազգային, բարոյական ու ընկերային պարտականութիւնները :

Հաստատել անոր մէջ մեր ցեղի կենսունակութեան եւ այնքան երկար ժամանակ գոյութեան զազոնիքը, այն բոլոր յատկութիւնները որոնք նպատակցին անոր՝ անցնելու եղերական պահերէն, կրելով իր հետ այն ծանրակիր ժառանգութիւնը երեսուն դարերու Ասիոյ արեւմտեան քաղաքակրթութեան, որ դարբնուեցաւ մեր նախնիքներուն հանճարովը, վաստակովը եւ նաեւ արիւթեամբը :


Եւ դայն առաջնորդել լաւ իրազորումներու մէջ :

Որպէս զի անոնք ապագային ի վիճակի ըլլան իջնելու հաստատ քայլերով կեանքի ասպարէզը, հաւասարակշռուած բարոյապէս, մարմնական առողջութեամբ եւ իմացական կազմութեամբ, կատարելու համար բոլոր այն պարտականութիւնները, որոնք իրենց պիտի վստահուին թէ՛ տաղնապալի շրջաններուն եւ թէ՛ խաղաղութեան ու յառաջգիտութեան ընթացքներուն :

« ՀԱՅ ՍԿԱՌՈՒՏ »

Խմբագրե՛տ, « Հայ Սկառուտ »ը մեծապէս պիտի օգնէ՛ քեզ՝ սկառուտներու զարգացմանը եւ տղաքոյ լաւ սկառուտներ պատրաստելու համար տարած աշխատանքի մէջ : Ուստի, անապարէ՛, ջանա՛, որ բոլոր սկառուտներդ բաժանողուագրուիս « Հայ Սկառուտ »ին :

Հնդկաստանի հարաւային կողմերը Սէյլան կղզիի բնիկները կը պժգան « շան ակռաներու նման » ներմակ ակռաներէ եւ պէթէլի տերեւ կը ծամեն՝ ձկանին սեւցնելու համար : Մի՛ մոռնա՛մ, սակայն, որ ձիւնի պէս հերման ակռաներ ունենալը առողջապահական ամենակարեւոր կանոններէն մէկն է :



ՍԿԱՌՈՒՏԱԿԱՆ

ՎԱՐՉԱՏՈՒՆԷՆ

ՊԱՇՏՕՆԱԿԱՆ ԶԵԿՈՒՅՈՒՄ

Այս թերթը Հ. Մ. Ը. Մ. ի Սկսուածներու Ընդհանուր Միութեան պաշտօնաթերթը ըլլալուն, կը յիշեցնենք բոլոր սկսուած Երջանային սկսուածներուն, Գործադիր Մարմիններուն, տեղական Խորհուրդներուն եւ վերջապէս բոլոր սկսուած աստիճանաւորներուն, թէ՛ հոս նշանակուած բոլոր յայտարարութիւն եւ հրահանգներ, մասնաւորապէս պաշտօնական են, այսինքն, գործադրելի՝ առանց մասնաւոր շրջաբերական հրահանգի կամ հրամանի:

ՍԿԱՌՈՒՏԱԿԱՆ ՎԵՐԻՆ ՄԱՐՄԻՆ

Ազգ. Սկ. Ընդհ. Պետ. Գ. ՅԱԿՈՒԲԵԱՆ

— 00 —

Սկսուած վերին Մարմնոյ 4 նոյմ. 1934-ի նիստ:

Ֆրանսայի Երջ. Սկ. Գործ. Մարմնոյ հետեւեալ որոշումները վաւերացուած են Ս. Վ. Մ. էն. —

ԱՆՈՒԱՆՈՒՄ

Փարիզի Ենթաշրջանի Սկսուածական շարժման աւագ — խմբապետի պաշտօն յանձնուած է խմբապետ Ս. Սերոբեանի:

Փարիզի Հոյլի խմբապետի պաշտօնը յանձնուած է փ. խ. Վ. Քէրէսթէ՛ճեանի:

Նիսի խումբի խմբապետի պաշտօնը յանձնուած է Վ. Ա. Միհրան Փափաղեանի:

ՎԱԻԵՐԱՅՈՒՄ

Փարիզի Երէցներու « Քաջն Վարդան » փաղանգի կազմութիւնը վաւերացուած է:

ԿԱԶՄՈՒԹԻՒՆ

Շուաղի — Ը — Ռուսոյի (Փարիզ) դալլիկներու Հոյլի մը կազմութեան հրաման տրուած է երէց Կ. Նիկոլեանի:

ՇՐՋԱՒԵՐԱԿԱՆ

Հ. Մ. Ը. Մ. ի բոլոր սկսուածական շրջանները իրենց կազմութեան, վաւերացման, անուանումի, հրատարումի, կախակայման, վտարման, ժամանակաւոր հանգիստի, աստիճաններու, կարգերու զնահատումի, շրանշանի, տարեկան ընդհ. բանակումի, ճամբարներու եւ ճամբորդութեանց, զեկուցումներն ու որոշումները, պէտք է յետ այսու ենթարկեն Սկսուածական Վերին Մարմնոյ վաւերացման: Վեցամսեայ տեղեկագիրները չի մոռցուին:

Կնիք՝ Ս. Վ. Մարմնոյ

ԵՐԿՈՒ ԽՕՍԻ ԾՆՈՂՔՆԵՐՈՒՆ

Ձեր զաւակները պէ՛տք է սկսուտ ըլլան, որովհետեւ :

1. — Սկսուտիդմը տղուն պարաս պամերը կը լեցնէ լաւ շրջանակի մը մէջ՝ հետաքրքիր աշխատանքներով :

2. — Սկսուտիդմը տղուն նկարագրիքը կը շինէ, ինչ որ անհրաժեշտ է յաջողելու համար կեանքի ամէն պայմաններուն տակ :

3. — Սկսուտիդմը զինուորական շարժում մը չէ, ան կը ձգտի պատրաստել հոգևով, մտքով եւ մարմնով քաջարի քաղաքացիներ եւ ոչ թէ զինուոր խաղցողներու բազմութիւն մը :

4. — Սկսուտիդմը տղան կը դարձնէ աշխոյժ ու ճարպիկ, իրեն տրուած աշխատանքները օգտակար եւ հաճելի են թէ՛ տունէն ներս եւ թէ՛ տունէն դուրս :

5. — Սկսուտիդմը տղուն կուտայ պատուոյ եւ ուղղամտութեան գիտակցութիւնը՝ դարձնելով զայն պիտանի մարդ մը :

6. — Սկսուտիդմը տղան կը պատրաստէ լաւագոյն ուսանողը եւ լաւագոյն պաշտօնեան, որով չմոռնար երբեք այն Օրէնքը եւ Երգումը՝ զոր կամաւորաբար կ'ընէ, խոստոնալով կատարել իր պարտականութիւնները՝ իրրեւ գիտակից մարդ :

7. — Սկսուտիդմը տղուն կը ներշնչէ ինքնագիտակցութիւն, որով ան կ'ընարէ իր ուղին եւ կ'աջակցի ուրիշներուն :

8. — Սկսուտիդմը ի յայտ կը բերէ տղուն բնական ձիրքերը եւ կ'օժանդակէ անոր՝ ասպարէզի ընտրութեան մէջ :

9. — Սկսուտիդմը կ'ընդլայնէ տղուն ընկերային շրջանակը եւ զայն շփման մէջ կը դնէ ամբողջ աշխարհի հետ :

10. — Սկսուտիդմը տղուն կուտայ լաւ տրամադրութիւն եւ զուարթութիւն՝ բնութեան ծոցին եւ ընտրեալ բարեկամական շրջանակի մը մէջ :

11. — Սկսուտիդմը՝ զաւակնիդ ձեր ցանկացած մարդը կը դարձնէ :

12. — Սկսուտիդմը տղուն կուտայ այն բաները, ինչ որ երբեմն եւ յաճախ չեն կրնար տալ՝ ո՛չ զպրօցը եւ ո՛չ ալ ծնողքը :

ԿՐՆԱՔ ՁԵՐ ՁԱՒԱԿՆԵՐՈՒՆ ՕԳՆԵԼ՝

1. — Հետաքրքրուելով անոր սկսուտական աշխատանքներով :

2. — Ձթոյլատրելով որ ան բացակայի իր ժողովներէն եւ արշաւներէն :

3. — Յաճախելով սկսուտական ահումբները եւ չվճան մէջ մտնելով ըսկսուտ խմբապետներու հետ, որոնք բարոյական մեծ շահերով կապուած են ձեր զաւակներուն :

4. — Օգնելով անոր բոլոր աշխատանքներուն եւ դառնալով անոր ամենամօտիկ աշխատակից բարեկամը :

5. — Հսկելով որ ան գործադրէ իր զաւանանքը՝ անօրեայ գործերուն մէջ :

6. — Յիշելով որ սկսուտիդմը մեծապէս կը հետաքրքրուի բոլոր մանուկներով եւ այս շարժումին նպատակը ձեզմէ նիւթապէս օգտուիլ չէ երբեք, այլ ձեր զաւակներուն բարոյականը, մարմինը, նկարագիրը եւ հոգին ազնուացնել է միայն : Ամէն սկսուտ խմբապետ կամ այլ աստիճանաւոր, առանց վարձատրութեան գիտակից եւ զոհարերող անձեր են :

Հ Ա Յ Ա Ս Տ Ա Ն

ԱՇԽԱՐՀԱԳՐՈՒԹԻՒՆ ՀԱՅԱՍՏԱՆԻ



Պատկեր 1. — Մայր Հայաստան

Ա.

Մենք Հայ կը կոչուինք, իսկ մեր Հայրենիքը՝ ՀԱՅԱՍՏԱՆ: Ուրեմն Հայաստանը ըսելով կը հասկնանք հայերուն հայրենիքը, այսինքն, հայերուն ծնած և բնակած երկիրը:

1. ՍԱՀՄԱՆ. — Հայաստանի սահմաններն են. հիւսիսէն՝ Սև ծով և Վրաստան, հարաւէն՝ Պարսկաստան, Միջագետք, Սուրիա և Միջերկրական ծով, արեւելքէն՝ Պարսկաստան և Կասպից ծով, արեւմուտքէն՝ Փոքր - Ասիա և Միջերկրական ծով:

2. ԴԻՐՔ. — Հայաստան, ծովին մակերեսովէն շատ բարձր՝ լեռնոտ եր-



Պատկեր 3. — Արարատ լեռը

կիր մըն է: Ուրեմն, Հայաստան լեռնադաշտ մըն է, զոր Եւրոպացիները կը կոչեն Հայկական Բարձրաւանդակ: Այս լեռնադաշտը աստիճանաբար կը ցածնայ, որքան մօտենանք դէպի եզերքներուն (պատ. 2):

3. ԼԵՌՆԵՐ. — Հայաստանի դիրաւոր լեռներն են. Զիւնապատ Արարատ կամ Մասիս, որ ունի երկու դապաթ. ՄԵՃ - Մասիս և Փոքր - Մասիս, ծաղկաւտ Արագած, Սուկաւէտ, Բիւրակնեան, Ծաղկաց կամ Ծաղկէոյ՝ Նպատ դապաթով, Սիփան, Վարազ, Նեմրուտ, Արզէոս և Տաւրոս լեռներ (պատ. 3):

4. Այս լեռներուն մէջ ամենէն բարձրը եւ փառաւորը Արարաան է, որ միշտ ձիւնով ծածկուած է. դոյնզգոյն ծաղիկներով, գեղեցիկ լիճերով եւ քաղցրահարկաջ ջուրերով զարդարուած է Արագած՝ Հայաստանի գեղեցիկ լեռը (պատ. 4):



Պատկեր 4. — Արագած լեռը

5. ՀՐԱՅՈՒԽՆԵՐ. — Հայաստանի լեռներէն շատերը հրաբուխ եղած են ժամանակին. բայց այսօր անոնք մարած են: Այս հրաբուխներուն մէջ նշանաւոր է Արարատ, որուն վերջին բորբոքումը եղած է 1840 յունիս 20-ին հինգշաբթի օր: Արարատի այս բորբոքումէն կործանած է իր կողին վրայ գանուող Ակոտի անուն ծաղկեալ գիւղը: Հայաստանի միւս հրաբուխներն են. Սիփան, Արգէս, Վանայ ծովին արեւմտեան կողմը եղող Նէմրուտ, Գեղամայ լիճին շորս կողմի լեռները եւ Հայաստանի ամենէն կենդանի հրաբուխը՝ Թոնտրիկ կամ Թանտուրէկ, որ տակաւին շատ մը տեղերէ կ'արձակէ ջրային ու ծծմբային գոլորչիներ (պատ. 5):



Պատկեր 5. — Վանայ ծովը եւ Նեմրուտ լեռը

6. ԵՐԿՐԱՇԱՐԺՆԵՐ. — Հին ատենը Հայաստանի մէջ շատ երկրաշարժներ պատահած են: Սակայն ամենէն շատ երկրաշարժի ենթակայ եղած է Հայաստանի Երեզա քաղաքը, որ 800 տարուան մէջ բաւն անգամ կործանած է: Նոյնպէս սաստիկ երկրաշարժներ պատահած են, դանազան թուականներու մէջ՝ Գուրն, Կարին, Վան եւ Կիլիկիա:

7. ԲՆԱԿԵԼԻ ԲԱՐՉՐՈՒԹԻՒՆՆԵՐ. — Հայաստանի բնակելի ամենաբարձր վայրն է Սրբոց Ոսկեանց ճգնաթեան եւ նահատակութեան վայրը, որ կը գտնուի Այրարատ նահանգի Մազկէոյ լեռներուն մէջ, 3284 մէթր բարձրութեան վրայ: Յետոյ կուգայ Սուկաւէտի վանքը, 2891 մէթր բարձրութեան վրայ:

8. ԱԿԵՐ Եւ ԱՂԲԻՒՐՆԵՐ. — Հայաստանի ձորերուն մէջ ձեւացած են ան-

Համար պաղ ու ասողջարար ջուրերու ակեր և աղբիւրներ, որոնց մէջ նշանաւոր են Ծաղկէոյ լեռներուն մէջ Եփրատի ակերը, Բիւրակնեան լեռներու հիւսիսային կողմը Երասխի ակերը, Մուշ գաւառի Բարեհամ աղբիւրները, Ս. Կարապետ վանքին մօտ Եօրն Աղբիւրք ըստած աղբիւրները, որոնք երբեմն իննէին և այդ պատճառաւ վանքը կը կոչուէր Իննակնեան վանք:



Պատկեր 6. — Աղբամար կղզին

9. ՋԵՐՄՈՒԿՆԵՐ և ԷԱՆՔԱՅԻՆ ՋՈՒՐԵՐ. — Հայաստանի գրեթէ ամէն գաւառ տաք ու պաղ ջուրի ջերմուկներ ունի: Ամէն երկրէ աւելի Հայաստան ունի հանքային ջուրի ակեր, որոնցմէ շատեր կը պարունակեն երկաթ, ծրծուժք, կիր, պաղլեզ և Անգլիական աղ և ունին զանազան բուժիչ յատկութիւններ:




Պատկեր 7. — Աղբամարի Ս. Խաչ Եկեղեցին

10. ԾՈՒՎԵՐ և ԼԻՃԵՐ. — Կիլիկիա հայերու իշխանութեան տակ եղած ատեն Հայաստան ունեցած կ'ըլլայ միմիայն Միջերկրական ծովը: Իսկ Կիլիկիան չհաշուելով, բուն Հայաստան ծով չունի, այլ ունի բազմաթիւ ձկնառատ լիճերը որոնց մէջ նշանաւոր է Վանայ լիւնը, որ իր մեծութեան և խորութեան պատճառաւ կ'ըսուի Վանայ ծով: Իր մէջ կան Լիւմ, Կտուց, Առուէր և Աղբամար կղզիները (պատ. 6): Ասոնցմէ Աղթամարի Ս. Խաչ Եկեղեցին նշանաւոր է (պատ. 7):

11. Վանայ ծովին ջուրը աղի է և ունի տեղացիներուն « տառեխ » կոչած արծաթաձուկը (պատ. 8):

(Շարունակելի)

Բարձրախաղաղակ
ՀԻՆՆՈՐ ՀԱՅԱՍՏԱՆ



Պատկեր 2. — Վերին Բարձրավանդակ Հայաստանը կարելի է գտնով պատ-
րաստել : կը փափափինք որ մեր սիրելի Սկառտները աշխատին գայն իրա-
գրծել :

ՍԿԱՌԻՏԻՆ ԱՆԿԻՒՆԸ (Ա.)

ՈՒՂԵՑՈՅՑ ԳԻՏԵԼԻՔՆԵՐ

Սկաուտութեան հիմնադիր Անգլիացի Լորա Պէյտըն - Բաուէլ հետեւեալ դրուագը կը պատմէ, Հարաւային Աֆրիկէի Զուլու եւ Հնդկաստանի վայրի ցեղերու կեանքէն :

Երբ պատանի մը 15 տարու ըլլալ, զայն կը պատեն ամբողջովին ճերմակ ներկով մը, անոր կուտան նիզակ եւ վահան մը, ու գիւղերէն հեռու կը վանեն : Քանի դեռ ճերմակ ներկը պատանիին վրայ է գիւղին ամէն մէկ անդամը իրաւունք ունի զայն սպաննելու ուր որ տեսնէ, հետեւաբար պատանին ստիպուած է մարդէ բոլորովին հեռու փախչիլ, ազրիլ անտառներու մէջ, քաղել իր սընունդը, կուռիլ բնութեան դժուարութիւններու դէմ, եւ ինքզինքը պաշտպանել զազաններէն : Անխորձ տղան պարտաւոր է տանիլ այս բոլորը իր կեանքին պահպանութեան համար : Եւ երբ մօտաւորապէս ամիս մը վերջ ճերմակ ներկը անհետանայ պատանիին վրայէն, ասիկա իր ցեղին մէջ կ'ընդունուի մեծ որբախութեամբ, որովհետեւ իր տարէց ցեղակիցները կ'ենթադրեն թէ՛ պատանին կրնայ պայքարիլ եւ գիտէ յաղթել կեանքի դժուարութեանց :

Պատասխանինք սր, վայրենիներու այս խիստ փորձը սրբան որ անգութ է այսու հանդերձ տղոց նկարագիրը շինելու եւ ամբացնելու եւ այսպէսով մարդկութեան իրապէս օգտակար անդամներ հասցնելու համար շատ նպատակաւարմար է :

Թոյլ նկարագիր ունեցող, անճարակ եւ անփոյթ պատանիները չեն որ անշուշտ օգտակար պիտի ըլլան իրենց անձերուն եւ ուրիշներուն, ընդհակառակը անոնք որ ասոջէ եւ ուժով են եւ գիտեն դժուարութիւններու յաղթել, այնպիսիները միայն կրնան մեծ ծառայութիւններ մատուցանել իրենց շուրջին :

Սկաուտ ըլլալ կը նշանակէ ինքզինքը վարժեցնել կեանքի դժուարութեանց դէմ պայքարելու, ըլլալ մաքուր բարոյականով, առողջ մարմնով եւ զարգացած մտքով պատանի մը, եւ օգտակար ըլլալ իր նմաններուն :

13 - 14-րդ դարուն կային կարգ մը ասպետներ, որոնք կը հազնէին զրահներ, եւ նիզակի ձեռին կը շրջէին լեռնէ լեռ, անտառէ անտառ, գիւղէ գիւղ, փնտռելու համար կարօտեալներ, թշուառներ, որպէս զի անոնց գնեն : Եւ որովհետեւ շարունակ կը պտտէին ամէն կողմ, այդ պատճառաւ կը կոչուէին քափառական ասպետներ : Անոնք ունէին իրենց օրէնքները, անոնց պատիւը նուիրական էր, քաղաքապար էին ամէնուն հանդէպ, մանաւանդ տղոց, ծերերուն եւ կիներուն. անոնք կը նախընտրէին մեռնիլ, քան թէ վատ գործ մը կատարել եւ կամ սուտ խօսիլ : Ասպետները ունէին իրենց դաւանանքը, որ շատ կը նմանի սկաուտներու դաւանանքին : Անոնք կը սորվէին իրենց համար նիզակներ շինել եւ անտառներու մէջ բնակիլ, փայտերով կրակ վառել, արեւի եւ աստղերու միջոցաւ առաջնորդուիլ, մէկ խօսքով այն ամէն ինչ որ այսօրուան սկաուտ պատանին պէտք ունի գիտնալ :

Ահա վայրենիներու եւ հիներու մէջ գտնուած այս կարգի սովորութիւններէ թլադրուած Պ. Բ. հիմնեց 1908-ին սկաուտութիւնը, որ ոչ միայն տղան կ'օժտէ քաջ, ճարպիկ ու տղուն նկարագրով, այլ եւ քաղաքակրթութեան պահանջած իտէալ բարոյականով :


« Սկաուտ » բառին նշանակութիւնը : Սկաուտ բառը կը նշանակէ հետա-

զօտիչ աշխինքն այն զինուորը որ բանակին ամենէն արթուն քաջ եւ ճարպիկներէն է, որուն պաշտօնն է թշնամիին դէմ երթալ առանց տեսնուելու, պարզապէս բանակին աչքն ու հոգին է, իր գործն է բանակին մնացած մասին հաղորդել ամէն մէկ վտանգ, զոր ինք կը տեսնէ: Եթէ այդ սկաուտ զինուորը վտանգը չի նշմարէ, եթէ քնանայ եւ կամ յոգնի, բանակը չարաչար կերպով կը տուժէ: Թէեւ սկաուտ բառը պատերազմ կը յիշեցնէ, բայց մեր գործածածը խաղաղութեան սկաուտի համար է միայն: Քանի որ սկաուտութեան շնորհիւ հեազհետէ կը շարունակուի եւ կ'ընդհանրանայ համաշխարհային եղբայրակցութեան գաղափարը: Եթէ խաղաղութեան սկաուտներ գոյութիւն ունեցած չըլլային, այսօր Ամերիկան, Աֆրիկէն եւ շատ մը ուրիշ երկիրներ բնակելի չպիտի ըլլային, որովհետեւ քաջ եւ անձնուէր մարդիկ միայն կ'երթան գտնելու նոր երկիրներ եւ գանոնք կը պատրաստեն ուրիշներ հրաւիրելու համար հոն: Այդ տեսակ սկաուտներու թիւը անհամար է մեր առօրեայ կեանքին մէջ, շատ անգամներ կը հանդիպինք այդպիսի մարդոց եւ տղոց, որոնք առանց ասպետ, պիտիէր կամ սկաուտ կոչուելու, իրական սկաուտներ են, օրինակ այն ազան որ ինքզինքը ծով կը նետէ հոն խեղդուող տղեկ մը աղատելու համար. կամ այն պատանին որ իմանալով թէ երկաթուղիի կամուրջը քանդուած է, ձեռքը լոյս մը բռնած կը վազէ շոգեկառքի գծին վրայէն յանաջացող վայրաշարժին դէմ, իր կեանքի գնով մեքենավարին ուշադրութիւնը հրաւիրելու եւ կառախումբը կեցնել տալու համար եւ այսպէսով կ'աղատէ հարիւրաւոր մարդկային կեանքեր:

Լաւագոյն սկաուտը կ'ըլլայ այն պատանին, որ հաւատարմօրէն, ուղղամտօրէն կը գործադրէ սկաուտին դաւանանքը: Երկար ատեն ինքզինքը վարժեցնել է կրթել է յետոյ պատանին կը գառնայ իրական սկաուտ:

Փարիզ

Հ. Մ. Ը. Մ. Ի ՍԿԱՈՒՏ. ԹԷՔՆԻԲ ՅԱՆՁՆԱԽՈՒՄԲ



Սէն Ժօրիօզի բանակումէն ուրուագիծ մը — Գործ՝ փրանսացի երէց ՍՎԷՆԻ

ԲԱՆԱԿՈՒՄ ՍԵՂԱՆԻԿԻ Հ. Մ. Ը. Մ. Ի

Յունիս 3-ի անմոռանալի Ողբիմպիականին վրայէն հազիւ երեք շաբաթ անցած Հ. Մ. Ը. Մ. Ի Վարչութիւնը իր բանակումի աննախընթացով կատարեալ անակնկալ մըն էր, որ սպառնաւց Սելանիկահայութեան: Սա, առաջին անգամը ըլլալով՝ ո՛չ ոք հաւատաց անոր: Ոմանք «անիրականանալի երազ» կը կոչեն, ուրիշներ ալ «կատակ» կը համարեն եւ հետեւորար ոչ ոք կ'արձանագրուի: Հ. Մ. Ը. Մ. Ի Վարչութիւնը նկատի ունենալով նպատակին բազմակողմանի օգտակարութիւնները, ի դին ամէն զոհողութեանց վերջապէս յուլիս 14-ին բանակումը սկսած յայտարարեց:



ՍԵՂԱՆԻԿԻ Հ. Մ. Ը. Մ. Ի ՍԿԱՌՈՒՏՆԵՐԸ

Շաբաթ օր է, ատենապետ եւ ատենադպիր բոլոր հարկաւոր իրերը եւ ուտելիքներու ալ պաշար մը առած չօղեմակոյկով մը կը մեկնինք դէպի Ալիաթրիատա գիւղի աւազուտ եւ խազաղ ծովեզերքը: Մէկուկէս ժամուան հաճելի ճամբորդութենէ մը յետոյ վրանները հաստատուած եւ ամէն բան առժամարար տեղաւորուած է արդէն:

Երեկոյեան ժամը հազիւ տասը հնչած, ահա՛ երկու Հ. Մ. Ը. Մ. Ի-ականներ եկեր եւ վրանէն ներս կը մտնեն:

Կէս ժամ յետոյ հինգ երիտասարդներ եւս: Ժամանակը բաւական յառաջացած եւ մենք ալ բաւական յոգնած ըլլալով կը մտնենք մեր սպարտական անկողինները: Հազիւ թէ սկսեր էինք մրափել ահա՛ հայերէն խմբերգի մը անուշ մեղեդին է որ լսելի կ'ըլլայ հոռուէն: Գուշակելը դժուար չէ. մեր վրանները կուգան: Օ՛, այդ գիշերը անմոռանալի պիտի մնայ:

Սա՛ մեր ճշգրտագահ փողահարն է որ իր պղնձեայ գործիքին խլացուցիչ ձայնովը կիրակիի արշալոյսը կ'աւետէ: Ի՞նչպէս չօղեւորուիլ երբ կը տեսնես մօտ

երեսուն պատանի երիտասարդներու՝ վրաններէն միահամուռ դուրս խուժելը եւ վայրկենապէս մարդանքի համար մէկ շարքի կենալու տեսարանը։ Մի քանի վայրկեան յետոյ ահա ծովն ալ տակն ու վրայ եղեր, փրփուրներ կը ժայթքեցնէ։ Ծովէն յետոյ նախաճաշ, թէ՛ վերջը Հ. Մ. Ը. Մ. ի եւ սկաուտական դրօշներու պաշտօնապէս բարձրացումի սքանչելի տեսարանը անշուշտ յուզեց բոլոր հոն ներկայ եղողները, որոնց թիւը, մինչ այդ, յիսուներ անցեր էր արդէն։ Վերջապէս յունական դիւզը մէկ օրուան մէջ կարծես հայկական դիւզի էր փոխուեր եւ այնպէս ալ մնաց ամբողջ մէկուկէս ամիս։ Չի մոռնանք յիշելու նաեւ թէ՛ Հ. Մ. Ը. Մ. ի մազնիսական ուժը, օգտափոխութեան համար ընտանիքներու եւս հոն գալուն պատճառ դարձաւ։ Առաջին օրուան ոգեւորութիւնն ու եղբայրական միջավայրը նկատելի էր՝ բանակումի մինչեւ վերջը։

Մոյն օգտափոխութենէն օգտուեցան ոչ միայն սկաուտներ, այլ դուրսէն պատանի — երիտասարդներ եւս։ Հ. Մ. Ը. Մ. ի վարչութիւնը չէր կրնար անտարբեր մնալ ոչ — անդամներու առողջութեան եւ կապուերումի անհրաժեշտ խնդրոյ մասին։ Հետեւաբար մամուլի միջոցաւ կոչ ուղղեց Սելանիկահայութեան որ փութայ օգտուիլ այս գեղեցիկ ձեռնարկէն։ Ուրախ ենք ըսելու որ՝ շատ մը ծնողքներ սիրով պատասխանեցին մեր կոչին եւ իրենց պատանի զաւակները մեզ յանձնեցին, 20 արախմի օրական պարենագինով մը միասին։ Հոս պէտք է մասնաւոր շնորհակալութեամբ յիշատակել թէ՛ Աղզ. վարժարաններու հոգաբարձութիւններն ալ անմիջապէս հանգանակութեան ձեռնարկեցին, ի նպաստ կարօտ պատանիներու, որպէս զի անոնք եւս առիթը ունենան օգտուելու Հ. Մ. Ը. Մ. ի բանակումէն, որմէ կանոնաւորապէս օգտուողներու թիւը յիսուներէն աւելի է։ Իսկ եթէ ամէն շաբաթ եւ կիրակի օրերը եկողներու թիւը եւս նկատի առնելու ըլլանք, աւելի քան հարիւր պատանի — երիտասարդներ օգտուեցան Հ. Մ. Ը. Մ. ի սոյն « անիրականանալի երագէն »։

Բանակումի ընդհ. հսկիչ եւ պատասխանատու նշանակուած էր Միութեանս ատենապետ Պ. Գ. Գանիէլեան, որ արդէն իսկ սիրուած ըլլալով քաղաքիս մարդասէր երիտասարդներէն, շատ լաւ կերպով գլուխ հանեց իրեն յանձնուած դժուարին պաշտօնը։

Կերակուրները առատ եւ լաւ էին, նմանապէս եւ պտուղը։ Երեւակայեցէք որ հարուստներու փափուկ զաւակներ, որոնք մի քանի օրուան համար միայն եկած էին, շուղեցին բաժնուիլ բանակումի ջերմիկ եւ եղբայրական միջավայրէն եւ մնացին բանակումի ամբողջ տեւողութեան ընթացքին։ Իսկ յուզուած կամ լալով բաժնուողներու թիւն ալ թիւ չէր։

Արդար ըլլալու համար պէտք է յիշել թէ սկաուտական բացօթեայ դաստիարակութեան եւ ծրագրուած կանոնաւոր մարզանքի պակասը զգալի էր։ Սակայն վստահ ենք թէ երկրորդ բանակում մը բաւ պիտի ըլլայ ասպացուցանելու թէ Հ. Մ. Ը. Մ. ի վարչութիւնը շատ լաւ գիտէ փորձառութենէ լաւագոյնս օգտուիլ։ Թէեւ, անշուշտ՝ յիշատակելի պիտի մնան պարբերաբար « կրակի շուրջ » տեղի ունեցող զուարթ խաղերը, երգերը եւ պատմուածքները։

Մ. Պ. Գ.

« Չիթաիւղ » բառ գոյութիւն չունի հայ լեզուին մէջ, հակառակ անոր շատեր կը գործածեն այդ բառը։ Արդէն ունիմք « ձէք » բառը, որ կը նշանակէ իւղ։ « Ա » գիրէն վերջ « ի » չիգար երբեք։

ՋՈՒՆՐՃԱԼԻՔ

Հինէն ի վեր Փարիզի երէցներու փաղանգէն, « ծեր կովի » եւ « Ժպտաղէմ պուլտոկի » միջեւ, հակառակ եզրայրական մեծբարեկամութեան մը գոյութեան, վիճարանական հաւաքոյթներու ընթացքին, կարծիքի եւ դաշափարներու մեծ հակասութիւն մը կը տիրէր :

Այսպէս, անցեալները, հաւաքոյթի մը ընթացքին, նիւթ ունէին Հայաստանի ջրանցքները եւ Սեւանայ լճի փերմակ ածուխի գորութիւնն ու հարստութիւնը :

Այս կենսական նիւթը, ջրարանական, մեքենական եւ էլեքտրական երեք ժամ տեւող տաք վիճարանութիւն մը ստեղծած էր, զանազան փուլերէ անցնելով :

Երբ հաւաքոյթը աւարտեցաւ, ըստ սովորականին ամէնքս, քիչ առաջուան տաք բանալէճերը մոռնալով կը պատրաստուէինք, յառաջիկայ արշաւանքի մը ընթացքին, մօտակայ լճի մը շուրջ, գործնական եւ շօշափելի աշխատանք տանելու համար. նշմարեցի որ « Ժպտաղէմը » դեռ չէր հանդարտած եւ « ծեր կովին » խոժոռ ակնարկներ կ'ուզէր : Այսպէս երբ ամէնքս, հեծելանիւններով կը վերադառնայինք դէպի տուն, մօտակայ մարդագետնին վրայ կով մը կ'արածէր, « պուլտոկը » դեռ իր մտածմունքներուն մէջ, երբ կը նշմարէ խեղճ կենդանին, կարծելով որ դէմինը « ծեր կովն » է ... մնացեալը կը թողում ընթերցողներուն երեւակայութեան :



Ի գիրը ունեցող ամիսներուն մէջ վրանիդ գլուխնիդ ծածկեցէք եւ լապաշտպանուեցէք :

Հ.Մ.Ը.Մ.Ի ՍՈՒՐԻՈՅ ԵՒ ԼԻՔԱՆԱՆԻ ՇՐՋԱՆԻ ԳՈՐԾՈՒՆԵՆՈՒԹԻՒՆԸ

(Շարունակութիւն նախորդ թիւէն)

Պէշրութի մասնաճիւղը պիտի օժտուի նոր եղանակի ֆութպօլի նոր եւ գեղեցիկ դաշտով մը քաղաքի կեդրոնին վրայ, որուն համար Շրջ. Վարչութիւնը ծախք նախատեսած է 15,000 Քրանք: Դաշտի հարթարումի աշխատանքները գրեթէ լրացած են, կը մնայ կարծրացումի բաժինը, որը 15 օրուայ աշխատանքի կը կարօտի: Այս առթիւ կարելի է յիշել նաեւ հոս, թէ նոր շրջանին Պէշրութ հրաւիրուած է Հ. Մ. Ը. Մ. Ի Սելանիկի մասնաճիւղի անդամներէն՝ եղբայր Դ. Դանիէլեանը, որպէս ֆութպօլի թէքնիսիէն, որուն համբաւը որպէս քաջ ֆութպօլիստ հանրածանօթ է. (փակագծի մէջ ըսենք թէ եզր. Դանիէլեանը Յունաստանի Ազգ. խումբի կեդրոնի միջնասպահն է):

Մասնաճիւղի անդամներու թիւն է 150, սկաուտները՝ 60, իսկ տարեկան պիւտճէն՝ 10,000 Քրանք:

2 — Դամասկոս. — Մեր շրջանի երկրորդ կազմուած մասնաճիւղն է Դամասկոսը, որուն առաջին նախաքայլը առնուող եղած է եզր. Լեւոն Արզարեան: Առաջին տարիները եղած են առաւելապէս կազմակերպումի շրջան, ու մարմնակրթանքի հանդէպ ժողովուրդի ունեցած բացասական դիրքն ու անգիտակցութիւնը պատճառ եղած են անոր ոչ յարաճուն վերելքին: 1928-ին կը սկսի իր գործի ընդարձակման շրջանը, ուր հետզհետէ իր շուրջ կը համախմբուին գաղութի բոլոր առողջ երիտասարդութիւնը:

Ներկայիս կը պահէ Սուրիոյ եւ Լիբանանի ամենաուժեղ ֆութպօլի կազմը, որուն համբաւը որպէժ անպարտելի, մանաւանդ նուրբ խաղացող խումբ խիստ գնահատուած է: Իր մրցումները Պէշրութի մէջ կը սակզծէ անօրինակ խանդավա-

ռութիւն, ու ժողովուրդը ամէն անգամ ներկայ կ'ըլլայ հազարներով, անվերջ ծախահարութիւններով եւ ուրախ բացազանչութիւններով քաջալերելու իր սիրած ֆութպօլիստները: Իր ամենէն վերջին խաղը, 3,000 բազմութեան մը առջեւ, ընդդէմ Թէլ - Ալիլիի հրէական « Հօբօքլ » առաջնակարգ խումբին, ֆութպօլի իսկական վայելք մըն էր, մէկուկէս ժամ տեւող խաղը ելեքտրականացած մթնոլորտի մը մէջ վերջացաւ մեր տղոց պանծալի յաղթանակով 2—1-ով: Նոյն խումբը (Հօբօքլ) նախորդ օր Պէշրութի լաւագոյն խումբերէն՝ « Էնթէրնասիօնալ »-ը չարչար պարտութեան մատնած էր 8 - 0-ով:

Դամասկոսի խումբը 1932 — 1934 կը մնայ ախոյեան Հ. Մ. Ը. Մ. Ի Սուրիոյ եւ Լիբանանի միջմասնաճիւղային ֆութպօլի մրցումներու Ա. դասակարգի խումբերուն մէջ. նոյնպէս ախոյեան Սուրիոյ եւ Լիբանանի զինուորական խումբերու:

Փութպօլը ըլլալով հանդերձ իր գործունէութեան մեծագոյն մասը, սկաուտիզմն ալ անտես չէ առնուած: Ներկայիս ունի 45 սկաուտ - գայլուկներու խումբ մը, որոնք ղեկավարութեանը տակ իրենց անխոնջ խմբապետ՝ եղբայր Եղիշէ Մանուկեանի, կը պատրաստուին ըլլալ ապագայ գիտակից քաղաքացիներ:

Դամասկոս ունի իր սեփական ֆութպօլի դաշտը, որ քաղաքի լաւագոյն մարզադաշտը կը համարուի:

Անդամներուն թիւը կը հասնի 75-ի ու տարեկան պիւտճէն՝ 15,000 Քրանքի:

3 — Հալէպ. — Հպարտ ենք արձանագրելու, որ Հալէպը Սուրիոյ եւ Լիբանանի Հ. Մ. Ը. Մ. Ի կազմակերպութեան պատուոյ տեղը կը գրաւէ: Վախժուն հազարի հասնող հայութեան մէջ միակ պլպլացող ճրագն է, որ իր հովանիին տակ

տաճ գաղութի ամենատառջ տարրը՝ պատանի - երիտասարդութիւնը, անոր կուտայ Ֆիդիքական դաստիարակութեան հետ արժանաւոր հայեր գտնելու մտային պաշարը:

Կազմուած 1925-ին միաձուլումովը տեղւոյն « Համադասպ », « Տարւորիկ » եւ « Կայծակ » անջատ խումբերուն, այսօր միակ մարմնակրթական միութիւնն է, որ ուժ եւ կշիռ ունի մարմնակրթական շարժումը զեկաւարելու:

մենէն դործունեայ խմբաւորումներէն, ունի այսօր 400 սկաուտներ իր վարիչ առաջնորդներով, երէցներու փաղանգով եւ գայլուկներով, որոնց թիւը շատ դիւրին կը բարձրանայ 1,000-ի եթէ հնարաւորութիւն ըլլայ ամէն դիմողի գոհացում տալ: Սկաուտները ամէն տարի բանակումի կ'երթան Հալէպի շրջանի հայ դիւղերը մեծ խանդավառութիւն ստեղծելով հայ գեղջուկներուն, որոնք շատ սիրով կը հերասիրեն մեր սկաուտները ու կը



ԱՆՏԻՈՔԻ Է. Մ. Ը. Մ. Ի ՍԿԱՈՒՏՆԵՐԸ

Իր ընդարձակ մարզադաշտը, ուր կողք կողքի կը գտնուին Փութպօլ, պասքէթ - պօլ, թէնիս, շուէտական մարզանք, ժամադրաւայրն է հայէպահայութեան մարզասէր հասարակութեան: Առանձին առանձին յանձնախումբեր իւրաքանչիւր խաղի յատուկ եւ վարչութեան հովանաւորութեանը տակ, բարի նախանձէ մը զրդուած ու մէկզմէկու գերազանցելի ազնիւ նպատակով, անխոնջ աշխատանք կը տանին տարուէ տարի աւելի զգալի նուաճումներ կատարելով մարզական գետնի վրայ: Կը ստուարացնեն իրենց շարքերը, կը հաւասարակշռեն վարչութեան պիտոճէն ու կը դաստիարակեն իրենց շուրջ համախմբուած բազմութիւնները:

Սկաուտական խորհուրդը, մէկը ա-

մեծարեն զանոնք կաթով, մեղրով եւ կարկանդակով:

Թէնիսի յանձնախումբը իր շարքե - րուն մէջ կը համրէ գաղութի լուսագոյն տարրերը, կ'ունենայ ախոյեանական մըրցաշարքեր որոնց հետաքրքրութեամբ կը հետեւի ժողովուրդը:

Փութպօլը կ'ընթանայ միշտ յաջող մասնաճիւղի Ա. խումբը շահած է երկու անգամ միջմասնաճիւղային մրցումներու առաջնութիւնը: Այժմ այն քաղաքի լուսագոյն խումբը կը համարուի:

Նոյն ժրաջանութեամբ կ'ընթանան պասքէթ - պօլ, շուէտական մարզանք, աթլէթիք խաղեր, եւ այլն:

Մասնաճիւղը ունեցաւ նաեւ իգական սեռի վարչութիւն մը, որուն նպատակն է

պրոպականտ տանիլ փափուկ սեռին մէջ, զանոնք վարժեցնել տալու մարմնակերպ — թանքի անհրաժեշտութեան իրենց նստակեաց կեանքին մէջ, միեւնոյն ժամանակ նիւթապէս օգնելու վարչութեան: Ունին արդէն 70 անդամուհի:

Հալէպի Հ. Մ. Ը. Մ. ի մասին գրելու ժամանակ, անբարեխղճութիւն պիտի ըլլար երկոտղով մը գնահատանքի եւ շնորհակալութեան խօսք չընել, հալէպահայութեան ազնիւ եւ դուրգուրոտ վերաբերմունքին, հանդէպ իր շատ սիրած կազմակերպութեան՝ Հ. Մ. Ը. Մ. ի մասին, որուն յաջողութեան, տարածումին եւ փայլուն գործունէութեան ազդակներէն մեծագոյնը կարելի է համարել, հալէպահայութեան բարի տրամադրութիւնն ու լայն օժանդակութիւնը իր ամէն մէկ ձեռնարկին մէջ:

Հալէպի մասնաճիւղը այժմ ունի 175 անդամ 400 սկաուտ եւ 14,000 Քրանք պիւտճէ:

4 — Զահլէ. — Մասնաճիւղի կազմութեան ու ամուր հիմերու վրայ դնելու պատիւը կը մնայ ձիպէյի նախկին սաներէն ու եղբ. Լեւոն Արզարեանի աշակերտներէն՝ Պ. Ներսէս Գազաղեանի (այժմ մեկնած Չիլի), որ իր կողքին ունենալով նոյնքան հաւատաւոր երիտասարդներ յանձին՝ Պ. Կ. Թապաղճեանի եւ Ս. Ունճեանի, որոնք 1927-ին հիմը կը դնեն Զահլէի մասնաճիւղին:

Նոր մասնաճիւղը իր առաջին քայլերուն մէջ դժուարութիւններու չի հանդիպելու համար կապ կը հաստատէ Պէյրութի քոյր մասնաճիւղին հետ, որ առ ի քաջալերանք անհրաժեշտ օժանդակութիւնը բարոյական թէ նիւթական չի զլանար, նորակազմ մասնաճիւղը զօրացնելու եւ ժողովրդականացնելու համար, որուն մէջ տառացիօրէն կը յաջողի, ու Զահլէի մասնաճիւղը զանդազ բայց ապահով կը սկսի իր մարմնակրթական աշխատանքներուն, իր շուրջ հաւաքելով մարդասէր երիտասարդութիւնը, ու այդ թուականէն ի վեր մասնաճիւղը կը պահէ իր գոյութիւնն ու իր ուժերու ներած չափով կը ճգնի իրագործել Հ. Մ. Ը. Մ. ի նպատակը, եւ այդ հակառակ կարգ մը մութ ուժերու տարած հակահ. մ. ը. մ. ա. կան քայքայիչ աշխատանքներուն:

Պարագայ մը, որ առիթ չտար մասնաճիւղի աւելի ընդարձակ գործունէութեան, այդ մարդազաշտի մը չգոյութիւնն է, եթէ մասնաճիւղը յաջողի հարթել եւ այդ խոչընդոտը, վստահ կարելի է ըսել, թէ Լիբանանի զեղեցկագոյն ամարանոցներէն՝ Զահլէի Հ. Մ. Ը. Մ. ի մասնաճիւղն ալ իր գտնուած քաղաքի նման անուանի կ'ըլլայ իր մարմնակրթական ազգաչէն աշխատանքներով:

Իր ընդհանուր գործունէութեան մէջ պատուոյ տեղ կը գրաւեն իր անդամներէն երկու նշանաւոր հեծելանորդ եղբայրներու՝ ՊՊ. Յակոբ եւ Օննիկ Պալլըզճեաններու տարած հեծելանիւի յաղթանակները, որոնցմէ առաջինը՝ Յակոբ արդէն 1932-էն ի վեր անպարտելի կը մնայ հեծելանիւի միջազգային մրցումներուն մէջ, պահելով նոյն տարիներու ախոյեանութիւնը:

Մասնաճիւղը ունի Ա. Է. Բ. Փութպոխումբեր եւ սկսած է կազմութեան սկաուտական խմբակի մը, այժմ ունի 12 փոքրիկներ որոնք ապագայ սկաուտական խումբի մը կորիզը կը կազմեն:

Անդամներուն թիւն է՝ 28: Իսկ պիւտճէն՝ 2,000 Քր.: (Շար.)

1875-ին գօպրա անուևով օճերը եւ ուրիշ քուևաւոր օճեր 26,000 մարդ մեղցուցած են Բրիտանական Հնդկաստանի մէջ:



ՍԿԱՌԻՏ ԵՈՐՀՈՒՐԳՆԵՐՈՒ ՈՒՇԱԴՐՈՒԹԵԱՆ . —

Հանգեսներու եւ պրոպագանդի առեցն է :

Տեղական խորհուրդներ՝ եւ խմբապետներ՝, Սկաուտական հանդէսի ծրագիրնից պատրաստ է :

Ձեր տարեկան պիտոնէն սպասովող միջոցներէն գլխաւորն է հանդէսը :

Շրջ. Սկաուտ. գործադիր մարմիններ՝, հանդէսի ծրագիրով պարտադր մասնաւոր Յանձնախումբ մը ունի՞ք :

Ձեռնիկան աշխատանքներու պագար մը պիտի ունենա՞ք ձեր հանդէսին մէջ :

Հանդէսի ծրագրի համար պէտք էղած նիւթերը ունի՞ք : Եթէ ոչ, գրեցէք « Հայ Սկաուտ »-ին :

« ՀԱՅ ՍԿԱՌԻՏ »

ՄԵՐ ԸՆՏԱՆԻՔԸ

Ամուսնութիւն . — Միացեալ Նահանգներու Հ. Մ. Ը. Մ. ի Շրջ. Վարչութեան քարտուղարուհի քոյր Աննա Քէմանճեանի ընդ Տիար Յակոբ Քիւրքճեանի, Փարիզ : Մեր ջերմագին խնդակցութիւնները :

Մեկնում . — Փոխ - խմբապետուհի քոյր Ա. Սերճանեան (Փարիզ) մեկնեցաւ Քաղապլանքա, Մարօք : Բարի ճանապարհ եւ յաջողութիւն :

ՓՈՒՆԱՆ ՍՏԱՅԱԳՐԻ

Մ. Գըյրնեան 20 ֆրանք, Վ. Քալբաքեան 15, Ա. Պետեան 15, Սուրիա 100, Սելամիկ 100, Մ. Վարդանեան 20, Ս. Նալպանտեան 20, Ա. Սահակեան 10, Վ. Մանուկեան 15, Ալֆորվիլ 45-50, Մ. Քիւրքեան 40, Պուա - Քուլոնայ 7-50 :

ՍՏԱՅԱՆՔ . — ՄԵՐ ԿԵԱՆՔԸ . վէպ . գրեց՝ Հրաչ Զարդարեան . Փարիզ, 1934 . գին 15 ֆրանք : 126, Ավրանիւ Սիմոն - Պօլիվար, Փարիզ (19) :

Այս բիւէն սկսեալ, շարունակաբար կուտանք Հ. Մ. Ը. Մ. ի Սկաուտական Ընդհ. Միութեան բոլոր նիւղերուն ուղեցոյց - գիտելիքները :

Ստեփան Գըյրճեան Affiches peintes — Reproduction — Décoration — Enseignes à façon .

73, Rue N-D de Nazareth Paris

ԾԱԽՈՒ ԵՆ . — 1) ՀԱՅԱՍՏԱՆԻ ԱՇԽԱՐՀԱԳՐՈՒԹԻՒՆ — Յ. Գ. Պապեան — 104 մեծադիր էջ եւ 133 պատկեր . ընտիր բուղք եւ մաքուր տպագրութիւն . Փարիզ, 1933 . գին 10 ֆր . : Արտասահման՝ 12 ֆր . : Հայ սկաուտներու՝ 6-50 ֆր . ամէն տեղի համար :

2) ՀԱՄԱՅՆԱԳԻՏԱԿԱՆ ՔԱՐՏԷՍ ՀԱՅԱՍՏԱՆԻ (պատկերագարդ) : Մեծուրիւն 76 × 86 . գին 6 եւ 8 ֆրանք : Հայ սկաուտներու համար՝ 3 ֆրանք :